

*Ante* Nachdeme von Churfürstlich Hochlob. Hof Cammer  
*Litt. I* Minchen, wie die Beilag zaigt, vnderm *dato*  
 22. 9bris vnnd *pres.* 5. Xbris *A<sup>o</sup>* 1687 solch genedigister  
 Befelch eruolgt, crafft dessen, ~~weillen vorher~~  
 schon vnnd zwar vnderm *dato* 7. *Octobris*  
~~Anno 1683 die genedigiste Resolution dahin er-~~  
~~gangen, das dem Wolf Christophen~~  
 Maudiell der Emer Prandtwein *per* 7 fl. solle  
 verraicht werden, also die vorgenommene  
 Prandtweinpresserhöcherung, der Emer vmb  
 1 Gulden nicht von obgedacht Churfürstlich Hoch-  
 lob. Hof Cammer, sondern von Preuambts wegen  
 gleich selbs vnnd dem Ve[r]nehmen nach aus ainer  
 von dem Verwalther gegen dem Maudiell

*Huius per se*

[fol. 145v]

~~tragenden vngetimmenden *Passion* vorge-~~  
~~nommen worden, so sich aber ohne vorgehende~~  
~~vnderthenigiste Anfrag vnnd daryber er-~~  
~~hollende genedigiste *Resolution* nicht gezimmet,~~  
~~ebbemeltem Wolf Christoph Maudiell~~  
 der von ihme im 17. Extract *A<sup>o</sup>* 1685 ab er-  
 khaufften 39 Emer Prandtwein durch den  
 Preuverwalther vnbillich zuuil erforderte,  
 nemblich an statt der 7 Gulden 8, so vf  
 die obangezogne 39 Emer 39 fl. trifft,  
 widerumb zuruckh geben werden sollen.  
 Als sinndt solchem genedigisten Anbefelchen gemess  
 vilgedachtem Maudiell widerumb zuruckh  
 behendiget vermög Bscheinung vnderm *dato*

*N<sup>o</sup>*. 49 13. Xbris 1687 oberstandte  
 39 fl. — —

Franz Rözl, Burger vnnd Kueffer alhier,  
 hat empfangt vmb 7 gemachte neue  
 Prandtweinlagl, deren ihme iede *per* 1 fl.  
*N<sup>o</sup>*. 50 bezalt, lauth Scheins den 10. Jener 1688  
 7 fl. — —

*Huius* 46 fl. — —

[fol. 146r]

Christoph Erdinger von Mehring hat zum  
 Prandtweinwerkh 3 lange Pirssten, aine *per*  
 24 kr., yberbracht vnd vor solche den 26.  
 Jener *A<sup>o</sup>* 1688 ohne Schein erhebt  
 1 fl. 12 kr. —